

Et Jaor- en Produktverslag 2018

Stichting Stellingwarver Schrieversronte



Stichting Stellingwarver Schrieversronte,

Willinge Prinsstraote 10,

8421 PE Oldeberkoop/Berkoop

Saemenstelling van et bestuur en de direktie op 31 december 2018

Et bestuur bestaot uut: Klaas van Weperen (veurzitter, Oosterwoolde), Hendrik Fokkema (siktaoris, Sunnege), Henk de Vries (plv. ponghoolder tot 16 meie, Else), Olphert Smit (vanof 16 meie, Appelsche), Akkie Zeilstra (Raevenswoold), Jan Russchen (Oosterwoolde), Hans Salverda (Zorgvlied) en Geertje Otten (Dwingel).

De direktie is ienheufdig en de funktie van direktieur wodt uitvoerd deur Sietske Bloemhoff, Ni'jberkoop.

Rechtsvorm, statutaire naeme, vestigingsplak, doelstelling

De statutaire naeme ludet in artikel 1 Naeme en zetel: Stichting Stellingwarver Schrieversronte en et vestigingsplak is officieel Oosterwoolde, gemiente Oost-Stellingwarf. De doelstelling in de statuten is vaastelegd in artikel 2. Doel 1. *De Stichting stelt zich ten doel het Stellingwerfs als levende streektaal te handhaven en te bevorderen. 2. Zij tracht dit te bereiken door: a. het zelf uitgeven of doen uitgeven dan wel het bevorderen van het verschijnen van publicaties in het Stellingwerfs; b. het bevorderen van het gebruik van het Stellingwerfs als spreek- en schrijftaal in het Stellingwerver taalgebied; c. het verzamelen, bewaren en ter inzage leggen van publicaties in het Stellingwerfs; d. het organiseren en bevorderen van bijeenkomsten, waarin het Stellingwerfs als voertaal wordt voorgestaan; e. bij te dragen aan de verbreiding van de kennis van en over het Stellingwerfs; f. bij te dragen aan het vastleggen, handhaven, zo mogelijk verlevendigen of doen herleven van oude gebruiken in de Stellingwerven; g. bij te dragen aan de verbreiding van kennis van de Stellingwerver geschiedenis en folklore; h. het onderhouden en bevorderen van kontakten met personen, groepen en instellingen, die geacht worden het Stellingwerfs en de uitingen hierin te bevorderen of te willen bevorderen; i. alle andere wettige middelen, welke voor het doel der stichting bevorderlijk kunnen zijn.*



Tien oktober 2018 kan mit recht de meest belangrieke dag van et jaor veur et Stellingwarfs nuumd wodden. Op die dag wodde et konvenant ondertekend deur et Riek en de Nedersaksische overheden veur veerdere erkenning van et Nedersaksisch daor et Stellingwarfs een onderdiel van is. Van 10 oktober of is et Nedersaksisch geliekweerdig an et Nederlaans. (Foto: Lenus v.d. Broek)

ET JAOR- EN PRODUKTVERSLAG 2018 VAN DE STICHTING STELLINGWARVER SCHRIEVERSRONTE

Misschien wel de alderbelangrijkste gebeurtenis veur et Stellingwarfs dit jaor was de veerdere erkenning van disse Nedersaksische streektael. Sund 10 oktober 2018 is et Nedersaksisch geliekweerdig an et Nederlaans, et konvenant daorveur wodde op die dag ondertekend deur vertegenwoordigers van et Riek en de regionaole overheden. Dat zoks van positieve invloed is dee mitien al blieken uut tal van reakties, mar bi'jglieks ok uut et tal kursisten dat heur opgaf veur de kursus Stellingwarfs. Biezunder wodde et jaor liekewel ok deur mit te doen an een peer grote projekten vanwegens LF 2018, Liwwadden kulturele heufdstad. Een hiel suksesvol veurbeeld daorvan was de theatertocht 'De Verdwenen Peerden'. An disse keunstzinnige, mar liekegoed bried maatschappelijke gebeurtenis deden ommeraek veul vri'jwilligers mit. Jong en oold uut mit naeme de dörpen Ni'jberkoop en Berkoop was mit mekeer in de weer mit de eigen tael en streekkultuur. Et projekt gaf een groot gevuul van et in verbunnenhied je mit mekeer 'argens' veur in te zetten. Niet allierend daoromme wodt intied al warkt an een opvolger van 'De Verdwenen Peerden'. Et gaot bi'j zoks om taelpromosie en kultuuroverdracht van de bovenste planke, zoas ooit bedoeld in de nota 'Mit et Stellingwarfs naor de dörpen'!

De Stellingwarver Schrieversronte kreeg liekewel ok flink mit tegenslaegen te maeken. In de eerste plak gong dat om de gezondheid van twee passenielsleden. Ien passenielslid kreeg al vanof et begin van et jaor mit een slimme ziekte te maeken, zodat ze et hiele jaor niet meer naor Berkoop kommen zol. Vanof half juli kreeg ok een eer passenielslid mit langdurige ziekte te maeken. Veur vervanging zorgden een drietal vaaste vri'jwilligers, wiels ok de direktieur heur extra inzette, en datzelve gul veur de accountant.

Ok financiesel gong et de stichting niet veur de wiend. Dat hadde veural te maeken mit een ni'j kontrakt angaonde de pensioenveurzienings van et passeniels en de verhoogde kosten van de accountant (los van de extra kosten vervanging). In 2019 zollen liekewel de strukturele subsidiegevers (gemienten en perveensie) een diel van de kosten angaonde de pensioenkosten overnemen gaon, zo zol op 6 feberwaori 2019 ofpraot wodden.

Inhoudelik was d'r dit jaor veural veul ommedaenken veur LF 2018, de uutgeverijje en et onderwies. Mar d'r wodde ok opni'j ingaon op flink wat vraogen 'uut et veld', et oflopen jaor hadden die nogal es te maeken mit LF 2018. Vaeks gong et dan om ondersteuning van ere projekten, en dan mit naeme op et gebied van de tael of (historische) achtergronden van de regio. Liekewel ok buten LF 2018 omme kwammen d'r mit riegelmaat vraogen om advies binnen angaonde tael, streekkultuur of de geschiedenis, van instellings liekegoed as van personen. Hier kon altied an voldaan wodden, of d'r kon, as et neudig was, deurverwezen wodden.

In 2018 wodde veul tied besteded an de inhoudelike toekomst van et wark van de stichting en de wieze van financiering daorveur. Zo weren d'r meerdere gesprekken mit de overheden angaonde de veer- en veerdergaonde plannen van mit naeme de perveensie, en die deur de beide gemienten volgd wodden zullen, zo is et doel. De plannen bin dat vanof 2020 kulturele instellings, dus ok de Stellingwarver Schrieversronte, nog wel een jaarlikse basissubsidie kriegen zullen, mar veur veerweg de meeste warkzemmheden en (grotere) aktiviteiten en projekten appat subsidie anvroegd wodden moet. Niet allierend et SSR-bestuur het een had heufd in disse 'verni'jning', datzelve gelt veur ere instellings in de perveensie die hiermit te maeken kriegen. Uuteindelijk zal veul meer tied zitten gaon in administratieve rompslomp as dat dat bi'j strukturele subsidie et geval is, mar butendat bödt disse opzet gien geraansie veur et wark van et passeniels. Ok om die reden het de Stellingwarver Schrieversronte in et verslagjaor zorgd veur een 'Plan van Anpak' veur de jaoren 2020 t/m 2023.

Et bestuur is bliede om te konstateren dat d'r op 'e schoelen de hieltied meer ommedaenken is veur et Stellingwarfs. Zo wodde mitdaon an een groot taeleprojekt in de Taeletuun in Liwwadden, en o.e. et schoelebriede projekt De Veerkieker is slim suksesvol. Dat projekt zal vanof et schoelejaor 2019-2020 uutbreided wodden mit binnen elke warkwinkel een les in of over et Stellingwarfs. Daornaost organiseerden verscheiden schoelen kleinere of grotere taelprojekten, en gaf et Comprix College veur de twiede keer een kursus Stellingwarfs an de leerlingen van groep 8. Van belang vint et bestuur ok de grote inzet veur et Kenniscentrum, et ienige centrum in zien soorte angaonde de tael, streekkultuur en geschiedenis in de Stellingwarver regio. Veur et digitaliseren van veul biezundere kollekties zetten heur meerdere vri'jwilligers wekeliks in. Deur heur wark wodt mit riegelmaat de webstee stellingia.nl van ni'je infermaosie veurzien. De hieltied meer meensken maeken van disse webstee gebruik, zodat dudelik is dat de Stellingwarver Schrieversronte ok op et gebied van achtergrondinfermaosie angaonde de eigen tael en streekkultuur in een belangrike vorm van tael- en kultuuroverdracht veurzicht.

Verslaglegging

Veur de financiële verslaggeving van de Stichting Stellingwarver Schrieversronte en van de Stichting Et Boekefoons zorgde Accon AVM in Drachten.

Saemenstelling bestuur

Et bestuur bestuurt op heufdlijnen, neffens et principe cultural government. De direkteur adviseert et bestuur over inhoudelijke zaeken en ontwikkelt et ni'je warkplan, dat deur et bestuur vaastesteld en dat vervolgens veurlegd wodt an o.e. de subsidiegevers (de beide Stellingwarver gemienten en de perveensie Friesland). Et bestuur vergeerderde in et verslagjaor zeuven keer.

Saemenstelling bestuur in december 2018

| | |
|---------------------|---|
| Veurzitter: | Klaas van Weperen (Oosterwoolde) |
| Siktaoris: | Hendrik Fokkema (Sunnege) |
| Ponghoolder: | Henk de Vries, interim (Else) |
| Leden: | Geertje Otten (Dwingel); Jan Russchen (Oosterwoolde); Hans Salverda (Zorgvlied); Akkie Zeilstra (Raevenswoold) |

Passeniel

De overlegstruktuur binnen de organisaosie is as volgt: ien keer in zes weken is d'r warkoverleg, wanneer d'r anleiding veur is hebben de veurzitter, een lid van et bestuur en de direkteur een veuroverleg veur de bestuursvergeerdering.

In dienst in et verslagjaor:

Sietske Bloemhoff, direkteur 24 uren, Stellingwarfs binnen hiemkunde 8 uren

Immy Sloot-Brugge, financiële administraosie, administratief wark en projektondersteuning 24 uren

Joke Coenrades, administratief wark, projektbegeleiding, 16 uren

Saskia Douma, 8 uren kennis- en dokumentaosiecentrum

Ninke van der Veen, 4 uren in de maond, webmaster

Vaaste vri'jwilliger:

Janet Donker, huushoodelike dienst, 3 uren.

Vri'jwilligers:

Veur de Stellingwarver Schrieversronte zetten heur jaorliks, op wat veur maniere dan ok, zoe'n 175 personen in.

Kemmissies en warkgroepen

Binnen de Stichting Stellingwarver Schrieversronte funksjoneeren de folgjende kemmissies:

■ **warkgroep kursusleiding Stellingwarfs veur beginners**

(Henk Bloemhoff, Geert Lantinga (eerste halfjaor) en Mark van Veen)

■ **veldnaemekemmissie**

(de kemmissie komt bi'j mekeer wanneer neudig; koördinaosie Henk Bloemhoff)

■ **redaktie De Ovend**

(Kjest Herder, Jan Koops; buroredakteur Sietske Bloemhoff)

■ **saemenstelling jaorlikse kelender**

(Sietske Bloemhoff)

■ **sutelaktiekemmissie**

(Kiena Bouwer, Sietske Bloemhoff)

■ **warkgroep Publiciteit**

(Jan Baas, Gerrie Koopstra, Anneke Koopstra, Baukje Krediet, Akkie Zeilstra)

■ **kemmissie Stellingwarver streeknaemen op 'e kaorte**

(Geert Lantinga, Henk Bloemhoff (koördinaosie); disse kemmissie komt bi'j mekeer wanneer neudig)

■ **warkgroep Stellingwarfs Meziekfestival**

(Klaasje Herder, Kjest Herder, Piet Tjassing, Sietske Bloemhoff)

■ **warkgroep Dokumentaasiecentrum/Kenniscentrum**

(Fettje Alten, Hendrik Betten, Kiena Bouwer, Saskia Douma (buro), Jaap Elzenaar, Kjest Herder (twiede halfjaor), Kees Koopstra, Ankie Verbaan, Jan de Vries (eerste halfjaor), Sietske Bloemhoff (koördinaosie))

■ **warkgroep rouwverwarking**

(Grietje Bosma, Attie Nijboer)

■ **warkgroep konversaasiekursus Praotgroep Stellingwarfs**

(Ypie v.d. Boer, Sietske Bloemhoff)

■ **warkgroep netuurexkursies**

(Hans Lanting, Harm Smid, Andries van der Veen, Freddie de Vries, Sietske Bloemhoff)

■ **Warkgroep De Lende**

(Henk Bloemhoff, Geert Lantinga, Meindert Schroor, Jan Slofstra, Dennis Worst, Jan Slofstra, Sietske Bloemhoff)

Vertegenwoordigers

De Stichting Stellingwarver Schrieversronte is vertegenwoordigd in:

- **et bestuur van de Stichting Sont** (dr. Henk Bloemhoff)
- **literaire warkgroep 'Alles rondom taal', Stichting Kunstwerf** (Sietske Bloemhoff)
- **pergramme advies lekaole omroep Odrie** (Attie Nijboer, eerste halfjaor, Henk Bloemhoff, twiede halfjaor)
- **warkgroep H.J. Bergveldpries** (Sietske Bloemhoff, adviseur)

Social media

Webstee www.stellingwarver-schrieversronte.nl

Dit is et pertaol, de toegangspoort, waar alle websteden van de Stellingwarver Schrieversronte onder valen of nog onder valen gaon.

Webstee www.stellingwarfs.nl

De algemiene webstee van de Stichting Stellingwarver Schrieversronte wodt aktueel hopen deur et buro. Henk Bloemhoff is op vri'jwillige basis webredakteur. Webmaster is Ninke van der Veen.

Webstee www.stellingplus.nl

De webstee www.stellingplus.nl wodde veerder uutbouwd deur webmaster Ninke van der Veen. De koördinaosie van de warkzigheden d'r veur en de webredaktie wo'n verzorgd deur Sietske Bloemhoff.

Webstee www.stellingia.nl

De koördinaosie van [Stellingia.nl](http://www.stellingia.nl) - dat is et digitaole kenniscentrum van de stichting - is in hanen van Sietske Bloemhoff, wiels vri'jwilliger Ankie Verbaan de verschillende artikels op de webstee plaetst. Et bouwen en veerder ontwikkelen van de webstee gebeurt deur webmaster Ninke van der Veen.

De Kienderwebstee

De Kienderwebstee is bedoeld as webstee waar kiender heur thuis mit vernuven kunnen. De webstee is nog in opbouw; veur de inhoudt zorgt vri'jwilliger Kiena Bouwer. Webmaster is Ninke van der Veen.

Webstee www.stellingwerf-heemkunde.nl

Sund 2017 het de Stellingwarver Schrieversronte et beheer over disse speciaole webstee veur et basisonderwies in de Stellingwarver gemienten. Webmaster is Ninke van der Veen.

Webstee www.de-veerkieker.nl

Veur et biezondere hiemkundeprojekt De Veerkieker is een appatte webstee ontwikkeld. De artikels wo'n plaetst deur Marjolein Spitteler, webmaster is Ninke van der Veen.

Twitter

Et Twitteraccount van de stichting wodt op vri'jwillige basis aktueel hopen deur Henk Bloemhoff.

Facebook

Op Facebook wo'n wekeliks twee berichten plaetst deur Sietske Bloemhoff.

PRODUKTVERSLAG 2018

A 1. INFERMAOSIE, ADVIES EN PUBLICITEIT

Infermaosie

In et verslagjaar wodde weer flink wat infermaosie verstrekt angaonde veul onderwarpen waor de stichting aktief mit doende is of mit uut aende gaon zal. In de verschillende media, niet allieend in et gebied zels, mar ok daar ommetoe, verschenen d'r een flink tal passeberichten. Dat gul veur alle (boek)uitgiften, mar liekegoed veur alle ni'js rond de veerdere ontwikkeling van bi'jglieks et Kenniscentrum en de bi'jheurende webstee stellingia.nl. Ok veur alle aktiviteiten, die vaeks in gezaemelikhied mit ere instellings of verienings organiseerd wodden, was d'r in de media een protte ommedaenken. Infermaosie wodt ok meerdere keren in et jaar verstrekt via de lekaole omroepen in Stellingwarf.

Advies

Zowat daegeliks wodt d'r tillefonisch of via de sociaole media om raad of advies vraagd op et gebied van mit naeme de tael, mar ok van de kultuur en de geschiedenis. Dat gelt niet allieend veur de bewoners uut de regio, mar de vraogen kommen liekegoed van bedrieven, (onderwies)instellings, verienings en overheden. De Stellingwarver Schrieversronte bleekt altied weer hiel leegdrumpelig; meensken kommen ok gewoon even an as ze wat weten willen... Dat gef mitien an dat veul meensken een hiele goeie biening hebben mit et instituut en de meensken die d'r warken. Op dit plak numen we even de extra hulpe die oonze stichting verliet an bi'jglieks begraffenisondernemers: bi'j heur is een speciaal nommer bekend veur in de aovenduren of in et weekaende. Zoks gef an dat de Stellingwarver Schrieversronte, ok op sociaal gebied, een belangrieke rolle veur de hiele Stellingwarver gemienschap as dienstverliende instansie waor et gaot om vraogen over de tael, de streekkultuur en de Stellingwarver geschiedenis.

Publiciteit

Veur alle boekuitgiften, kursussen en aktiviteiten wodt veur veul publiciteit zorgd. Dat gebeurt uteraord deur berichten te sturen naor de verschillende kraanten, tidschriften en lekaole omroepen, mar nog veul meer wodt inzet op publiciteit via websteden, facebook en twitter. Dudelik is dat et gebruik van de 'social media' de hieltied intensiever wodden is en dat daormit een veul groter pebliek berikt wodt. Veur et veerder uuttreden en gebruiken van et Stellingwarfs is mit naeme Facebook van groot belang. Veul reakties op de berichten bin in et Stellingwarfs, en somstieden kommen d'r daordeur vraogen op 'e lappen angaonde spelling of taelkonstrukties.

Veur publiciteit zorgt ok een groep vri'jwilligers deur infermaosie te geven op tal van marken en bi'jienkomsten. Naost de verkoop van boeken en infermaosie daarover is d'r ok ommedaenken veur o.e. et kursuswark van de stichting.

A 2. KENNISCENTRUM

Algemien

Et Kenniscentrum van de Stellingwarver Schrieversronte is een uniek centrum veur de Stellingwarver gemienten. Op gien eer plak is zoveul infermaosie te vienen over - in et eerste plak - de tael, as in dit centrum. Al vanof de oprichting van, eerst de verieninge Stellingwarver Schrieversronte, in 1972 wodde begonnen mit et opzetten van een streekarchieff. In et eerste plak zol et gaon om et verzaemelen en beweren van gegevens, artikels, opnaemen etc, over de tael. In et tweede plak gong et liekewel ok om streekgerichte onderwarpen en de geschiedenis. Deur de jaoren henne wodden ok deur pattekeliere biezondere kollekties binnenbrocht, zodat in roem 45 jaar tied een unieke verzaemeling an streekgeschiedenis in et gebouw van de stichting beweerd wodt. Veur veul kollekties geldt dat die allieend bi'j de stichting in Berkoop beheerd wodden meugen, zol dat om wat veur reden niet meer kunnen, dan gaon ze weeromme naor de eigener of evt. naor naobestaonden. Veul (biezondere) kollekties, teksten, boeken en geluudsmateriaol wo'n sund 2012 deur een vaaste groep van vri'jwilligers herorganiseerd en digitaliseerd. Et digitaliseren is bedoeld om alle materiaal goed veur de toekomst te beweren, mar ok t.b.v. de speciaole webstee veur et Kenniscentrum www.stellingia.nl. As alles uut et Kenniscentrum scand en invoerd is gaot et om meer as 100.000 titels. Veur de wieze waarop ien en aander opzet is en uutvoerd wodt het de stichting advies had van veurmaolig perveensiaal archiefinspekteur Jetze Dijkstra. Intied bin op Stellingia al veul artikels, boeken en kollekties plaetst. De webstee is now al een biezondere en unieke webstee, die mit naeme veur leerlingen van et vervolgonderwies, studenten Nederlaans en geschiedenis, historici en ammeteur-historici van groot belang is. De koördinaosie van de warkzigheden veur et Kenniscentrum

en Stellingia was weer in hanen van Sietske Bloemhoff. Twie keer in et jaor wodt mit de vri'jwilligersgroep de staand van zaeken van et halfjaor doorveur deurpraot en de taeken veur et volgende halfjaor vaastesteld.

Herorganiseren en digitaliseren

In 2018 gong mitwarkster Saskia Douma deur mit et herorganiseren van et Kenniscentrum. Ze kon daar weer acht uren in de weke an besteden, en kreeg daarbi'j tot halverwege et jaor op 'e maendagmorgen de hulpe van vri'jwilliger Jan de Vries. Naodat bepaolde kategorieen opni'j inricht en vaastesteld binnen kan et materiaal kodeerd en digitaliseerd wodden. Et koderen gebeurde, op angeven van Saskia Douma, deur vri'jwilliger Fette Alten. Vervolgens bin de verschillende verzaemelings en kollekties digitaliseerd deur de vri'jwilligers Kiena Bouwer, Kjest Herder en Ankie Verbaan. Veur et plaetsen van de verzaemelings en kollekties die veur Stellingia binnen, zorgde Ankie Verbaan. Veul berichten in de media wodden t.b.v. et Kenniscentrum ok dit jaor weer vergeerd deur vri'jwilliger Kees Koopstra. Hendrik Betten gong veerder mit et digitaliseren van geluudsbanen en video's; een tal daarvan bin in 2017 op Stellingia plaetst. Bi'j et Kenniscentrum wodden opni'j biezondere kollekties inbrocht, zoas de boeken en tidschriften van de iemkersverieninge van West-Stellingwarf. Daormit is de biezondere kollektie an boeken, tidschriften en fotomateriaol angaonde de iemkeri'je opni'j gruuid. Disse biezondere kollektie is iene van de grootste van et laand op et gebied van de bi'jehoolderi'je. In 2018 het vri'jwilliger Jaap Elzenaar disse kollektie veerder beschreven en digitaal verwerkt.

Et gruuien van et tal kollekties, mar ok alle ni'je anvullende infermaosie die binnenkomt zorgen d'r veur dat beide kluzen vol raeken. Daorumme is in 2018 ruimte vri'jmaekt en kregen de kollekties van et Dörpsarchief van Berkoop, die an now toe ok in die kluzen onderbrocht wodden, een eer plak in et paand.

Bezukers an de haandbiebeltheek en et kenniscentrum

Ok dit jaor was d'r weer riegelmaotig bezuuk van personen die materiaal raadplegen wollen in et Kenniscentrum. Belangstellenden veur tael en historie kun gebruik maeken van de doorveur inrichte studiekeamer om de gegevens uut o.e. de haandbiebeltheek en et Kenniscentrum in te zien. De boeken uut de haandbiebeltheek en et Kenniscentrum, mar ok de speciaole kollekties, foto's, geluudsmateriaol etc. wo'n niet uutliend. In dit verslagjaor weren d'r weer mit riegelmaot vraogen van studenten en leerlingen van et vervolgonderwies. Vaeke is dan al infermaosie haeld van de websteden **stellingwarfs.nl** en **stellingia.nl**. Veul interesseerden kun now thuus alvast een indrok kriegen van wat d'r in et Kenniscentrum te vienen is an inhoodelike infermaosie. Et tal vraogen dat via internet en tillefoon binnenkomt was dit jaor opni'j roem boven de driehonderd.

Beriek: roem boven de 500 personen



Mar liefst 11 meensken gavven heur op veur de kursus Stellingwarfs veur beginners die in november uut aende gong. De kursus wodde dit keer holen in de biebeltheek van Wolvege.

(Foto: Lenus v.d. Broek)

B. EDUKAOSIE

B 1. KURSUSSEN VEUR VOLWASSENEN

In et verslagjaar wodden de volgende kursussen hollen:

1. Kursus Stellingwarfs veur beginners

In et naojaar gong de kursus 'Stellingwarfs veur beginners' uut aende. De kursus wodde veur de dadde keer in een dörp anbeuden; eerder wodde de kursus in et gebouw van de Stellingwarver Schrieversronte hollen. De kursus wodde now in de biebeltheek van Wolvege geven. De kursusleiding beston dit keer uut dr. Henk Bloemhoff en Mark van Veen. Eerder in et jaar hadde Geert Lantinga al angeven dat hi'j mit et geven van de kursus stoppen wol. Vanof 2020 zal de kursusleiding versterkt wodden mit Ageeth Bos. **Dielnemers: 11**

2. Kursus Laandschopsgeschiedenis

Vanwegens teveul ere drokte van kursusleider Dennis Worst is de kursus Laandschopsgeschiedenis in 2018 niet anbeuden. Et doel van de kursus, die ontwikkeld is deur drs. Dennis Worst, is 'et lezen leren van et laandschop'. De kursus zal vermoedelik in de twiede helte van 2019 weer anbeuden wodden.



Et Stellingwarfs diktee is iene van de onderdielen van et examen Stellingwarfs (Foto: Lenus v.d. Broek)

3. Kursus Stellingwarfs leerlingen Comprix

Acht leerlingen van et Comprix College slaegden op 24 meie veur heur examen van de kursus Stellingwarfs. Die kursus wodde tiedens et schoelejaar 2017-2018 geven; de ontwikkeling van de kursus gebeurde i.s.m. mit de Stellingwarver Schrieversronte. Tiedens de Nationaole Streektaeledag in et Laand van Tael (Lân fan Taal) in Liwwadden prisseteerden ze heur pergramme 'Slim Stellingwarfs'. **Dielnemers: 8**

4. Voegelkursus

In saemenwarking mit de Stellingwarver Schrieversronte orgeniseerde Freddie de Vries van Hooltpae een kursus over voegels in Stellingwarf, inklusief een exkursie. **Dielnemers: 20**

5. Digitale kursus Stellingwarfs

Dit verslagjaar wodde veerder warkt an de opzet veur een digitale kursus Stellingwarfs. Op de webstee StellingPlus bin daor al wat onderdielen van plaetst. Op die wieze kun liefhebbbers d'r alvast mit an de slag veurdat de hiele kursus klaor is en anbeuden wodt.

B 2. HIEMKUNDE

In 2018 wodden acht uren in de weke besteed an de ontwikkeling van Stellingwarfstaelig en hiemkundig lesmateriaol veur et vak Hiemkunde in et basisonderwies in de gemienten Oost- en West-Stellingwarf. Mit Stichting Comprix (eupenbaor onderwies), Stichting De Tjongerwerven (kristelik onderwies) en vertegenwoordigers uut et onderwies wodt elk jaor gezaemelik een jaorwarkplan opsteld.

LF 2018: Kulturele heufdstad

Vanwegens Liwwadden Kulturele Heufdstad wodde deur de Afûk in Liwwadden een lesseprojekt ontwikkeld en saemensteld veur alle leerlingen van et basisonderwies in de perveensie. Dit uitgebreide pakket verscheen in et Fries, et Stellingwarfs en et Bildts. De Preenzetuun in Liwwadden was ommebouwd tot een 'Taeletuun', en daar weren ok opdrachten veur de leerlingen die ansleuten op et lesmateriaol. De Stellingwarver Schrieversronte zorgde veur et Stellingwarfstaelige lesmateriaol en was ok et anspreekpunt veur de schoelen angaonde dit projekt. Laeter in et jaor is alle lesmateriaol anpast, zodat et ok nao 2018 bruukt wodden kan. Et hiele pakket is o.e. opneumen op de webstee www.stellingwerf-heemkunde.nl.



In et verslagjaor wodde veerder zorgd veur et volgende lesmateriaol:

■ *Veur groep 1 t/m 4:*

Veur de groepen 1 t/m 4 bin een tal ni'je Stellingwarver verhaelties schreven of vertaald. De verhaelen mit bi'jheurende opdrachten bin te downloaden op de speciaole hiemkunde-webstee. die ansluten bi'j bepaolde thema's of streektaelprojekten op verschillende basisschoelen. D'r is veerder warkt an et digitaliseren en toegankelijk maeken van eerder ontwikkeld lesmateriaol t.b.v. de speciaole hiemkunde-webstee. Ok an et nog toegankelijker maeken van de webstee, die ondertussen een belangrieke rolle speelt in et aanbod van lesmateriaol, is deurwarkt.

■ *Veur groep 5 t/m 8:*

Veur de groepe 5 t/8 bin d'r ni'je Stellingwarver verhaelen schreven of vertaald. Alle ni'je materiaol is, of zal, te downloaden wezen op de speciaole webstee veur hiemkunde. In 2018 bin opni'j exkursies orgeniseerd naor netuurgebieden in de woonomgeving van de leerling, en ok exkursies angaonde de geschiedenis van et eigen dörp. D'r is veerder warkt an et digitaliseren en toegankelijk maeken van eerder ontwikkeld lesmateriaol t.b.v. de speciaole hiemkunde-webstee. Ok an et nog toegankelijker maeken van de webstee, die ondertussen een belangrieke rolle speelt in et aanbod van lesmateriaol, is deurwarkt.

Webstee Hiemkunde

De webstee [www.heemkunde-stellingwerf](http://www.heemkunde-stellingwerf.nl) veur et basisonderwies wodde in 2018 hielemaole verni'jd. Et is een hiele ni'je webstee, omreden de oolde niet meer voldee an de eisen van de tied. Veul materiaol was muulik te vieren en/of wodde niet bruukt. In overleg mit de schoelebesturen en de leerkrachten is veur een hiele ni'je indieling zorgd. Liekewel niet allien et ni'jste lesmateriaol en et laeste ni'js op hiemkundegebied wodt plaetst. Ok oolder lesmateriaol dat eerder ontwikkeld is en nog altied graeg bruukt wodt, wodt deur een vri'jwilliger van de Stellingwarver Schrieversronte digitaliseerd. De webstee wodt beheerd deur de stichting, webmaster is Ninke van der Veen.

De Veerkieker



*De Veerkieker zorgt d'r veur dat tiedens heur basisschooleperiode alle leerlingen jaarliks een eksursie mae-
ken naor een kultuurinstituut. De instituten bieden tegere mit keunsteners warkwinkels an; de warkwinkel
Tael-meziek bij de Stellingwarver Schrieversronte is iene van de achte. Et doel van De Veerkieker is dat kien-
der nao acht jaor basisinderwies ok weet hebben van wat d'r an kultureel arfgoed in heur leefomgeving is.*

In 2018 bin weer een flink tal warkwinkels 'Tael en meziek' verzorgd binnen et schoelebriede projekt 'De Veerkieker'. De warkwinkel wodt geven deur Bas van Domburg (meziek) en Sietske Bloemhoff (tael) die de warkwinkel ok omntwikkelden. In et verslagjaar hadde Sietske Bloemhoff veul overleg angaonde de meugelikheden om dit suksesvolle projekt struktureel binnen et onderwies uitvoeren blieden te kunnen. Overleg was d'r mit naeme mit Stichting Comprix en de perveensie. Deurdat de perveensie Frieslaand binnen et projekt goeie kaansen zicht om meer mit et Stellingwarfs op schoele te doen, wodde besleuten et projekt mit te financieren. Vanof et schoelejaar 2019-2020 zal binnen alle acht verschillende warkwinkels andacht besteded wodden an et Stellingwarfs; alle Stellingwarver basisschoelen gaon an alle warkwinkels mitdoen.

B 3. TOMKE

In meie verscheen veur de elfde keer de Stellingwarver edisie van *Tomke*. Tomke is de naeme van een leesbe-
vodderingspergramme veur ukken in Frieslaand, dat in een saemenwarkingsverbaand mit de Afûk ontwik-
keld wodt. Veur de Stellingwarver vertaeling zorgde Sjoukje Oosterloo. Van et Stellingwarver Tomke-boekien
wo'n ieder jaor 1000 exemplaoren drokt, alle ukken in de Stellingwarver kriegen et boekien deur de Schrie-
versronte ommenocht anbeuden. **Beriek: omdebi'j 900**

Dit jaor wodde veur de tiende keer mitdaon an et veurleesprojekt Tomke dat in juni holen wodt. Zowat alle
ukkespeulgroepen en plakken veur kienderopvang in Stellingwarf doen hier an mit. Zoe'n vuuftien vri'jwilligers
zetten heur hieurveur in. De koördinaosie wodde verzorgd deur de vri'jwilligers Wijke Haan en Akkie Zeilstra. De
aktie wodt in gezaemelikhied uitvoerd mit 'It Selskip foar Fryske tael en scharftekennisse'. Rond de 800 ukken
kommen zo mit et Stellingwarfs in anraeking. **Beriek: omdebi'j 900**

B 4. E-LEARNING STELLINGWARFS

An disse kursus wodt in 2018 deur vri'jwilligers veerder warkt. Een diel van de internetkursus zal nauw an-
sluten bij de kursus 'Stellingwarfs veur beginners' zoas die al sund jaor en dag geven wodt. Dit projekt wodt
middels een appatte financiering orgeniseerd.

C1. PUBLIKAOSIES

In 2018 konnten de volgende uitgiften verschiene:

1. *De Ovend*



In 2017 verscheen de 46^e jaorgaank van et tiedschrift *De Ovend* mit zes nommers. Alle zes nommers van *De Ovend* telden 32 bladzieden in een oplaoge van 1000 stoks. De redaktie beston uut Jan Koops en Jannes Westerhof, wiels de buroredaktie en et korrektiewark in hanen was van Sietske Bloemhoff. An et aende van et jaor stopte Westerhof om gezondheidsreden, Kjest Herder volgde him op. De vormgeving van et tiedschrift wodde uutbesteded an Bauke Visser Koenders van Haulerwiek. Et tiedschrift wodt drokt en verstuurd deur Pijper Media in Grunningen.

2. *Vroeger is veurgoed veurbi'*



Op 'e laeste, snikhiete, vri'jdagaovend van juli 2018 was de prissentaoisie van et 28e boek van Johan Veenstra *Vroeger is veurgoed veurbi'*. Et eerste exemplaor was veur Sippy Tigchelaar. De prissentaoisie was tiedens een kulturele aovend. De schriever wodde interviewd deur Peter Riksma, daarnaost was d'r een optreden van de Grunninger troebadoer Jan Henk de Groot. Et boek, mit een omslag foto van Sijtze Veldema, wodde drokt bi'j Printbase in Suntjehannesge. Oplaoge: 800 stoks.

3. *Ok et beste peerd stroffelt wel es*



Op zaoterdag 1 september verscheen van Freddie de Vries zien verhaelebundel *Ok et beste peerd stroffelt wel es*. In et boek bin alle verhaelen opneumen die De Vries tot halverwege 2018 schreven het. Een tal d'r van was eerder te lezen in o.e. et dörpsblad van Hooltpae, de Stellingwarver Spreukekelender, et tiedschrift *De Ovend* enz. In et boek bin ok een flink tal ni'je verhaelen opneumen. De akwarel op et omslag is van Johan de Vries, veur de vormgeving zorgde Bauke Visser Koenders, et boek wodde drokt deur Printbase bv in Suntjehannesge. Oplaoge: 500 stoks.

4. *As ik kiezen moch...*



An et boek *As ik kiezen moch...* van Harmen Houtman wodde in 2018 et meerste wark uut de wege zet. Op verzuuk van de schriever verscheen et boek liekewel in 2019 op zien jaordag op 22 feberwaori. Vanwegens de feestelikheden wodde zorgd veur een kultureel pergramme mit optredens van Lammy Bruijns, Attie Nijboer en Johan Veenstra. De auteur van de disse bundel mit verhaelen las zels ok veur tiedens de middag. Et boek wodde drokt bi'j Printbase in Suntjehannesge. Oplaoge: 300 stoks.

5. *Wateren, een oase van weldaad*



In et verslagjaor wodde deur de vier auteurs hadde warkt an et boek *Wateren, een oase van weldaad*. Mar deur o.m. heur grondige speurwark in archieven en bi'j infermaanten in de regio kon et boek nog niet verschiene. Om ien en aander uut te warken en nog veerder onderzuuk te doen zal et boek om die reden in november 2019 uitkommen. Veur de vormgeving van et boek zorgt Bauke Visser Koenders van Haulerwiek, et boek wodt drokt deur Printbase in Suntjehannesge. Oplaoge: 1000 stoks.

N.a.v. et perveensiaole LF 2018 projekt *Under de toer* verscheen d'r een boek daor alle 31 projekten in beschreven binnen. De SSR zorgde veur de teksten van de Stellingwarver projekten *De tael van et hatte* en *De Verdwenen Peerden*.

9. Stellingwarver Zaeken

Veur de regionaole kraanten *Nieuwe Ooststellingwerver* en *Stellingwerf* wodde ien keer in de drie weken zorgd veur de bladziede *Stellingwarver Zaeken*. Et redaktie- en korrektiewark veur disse ni'js- en verhaelebladziede is in hanen van Sietske Bloemhoff, vaaste mitwarkers weren Roely Bakker, Henk Bloemhoff, Harmen Houtman, Jaap Sikkema, sjoukje Oosterloo en eren. De kraanten wo'n deur zoe'n **10.000** meensken lezen.

10. RondOm

In et verslagjaar zorgde de Stellingwarver Schrieversronte alle drie weken veur een pagina ni'js op et gebied van de geschiedenis en de tael in 'RondOm'. Dit huus-an-huus blad verschient in de beide Stellingwarver gemienten.



Tiedens de Eupen Stalperiode was schriever Johan Veenstra alle daegen in et winkeltien van de Stellingwarver Schrieversronte om daor boeken te verkopen. En dat was niet vergees, want et leverde roem € 3000,- op. Veerweg et meerste verkocht hi'j van zien doe krek verschenen ni'jste boek. (Foto: Lenus v.d. Broek)



Veur de prissentasie van de verhaalebundel 'Ok et beste peerd stroffelt wel es' van Freddie de Vries, was ommeraek veul belangstelling. Meer as honderd man kwam op disse gebeurtenis of. De auteur las niet alliend iene van zien verhaelen veur, mar bleek ok as zanger niet onverdienstelik te wezen. (Foto: Lenus v.d. Broek)

C 2. TAELESTIMULERENDE EN AANDERE AKTIVITEITEN

In 2018 bin weer verschillende taelstimulerende en aandere aktiviteiten ofsleuten en ni'je op gang brocht:

1. Aktiviteiten

- Op 1 en 2 feberwaori wodde de jaarlikse veurleesaktie veur bewoners van de Stellingwarver zorginstellings en verpleegtehuizen en De Menning in Wilhelminaoord hollen. Veur et slaegen van disse slim wardeerde aktie zorgen zoe'n vuuftien vri'jwillige veurlezers. **Belangstellenden: ongeveer 250**
- Op 4 april kwam d'r bi'j de Schrieversronte een groep oolderen uut Diever op ekskursie. D'r wodde verteld over et wark van de SSR, en d'r wodde veurlezen. **Belangstellenden: 14**
- Op 24 meie deden acht leerlingen van et Comprixkollege van Wolvege examen Stellingwarfs bi'j de Schrieversronte in Berkoop. Alle kursisten slaegden mit goeie risseltaoten. D'r wodde mitien een rondleiding hollen in et gebou. Veur de uitslag van et examen was veul en veural positieve belangstelling. **Belangstellenden: 8**
- Op 26 meie wodde een ekskursie hollen langs de klokkestoelen van Oost-Stellingwarf op verzuuk van de HV Oosterwoolde. Sietske Bloemhoff vertelde onderwegens mit naeme over de bouw van disse 'klokkedregers'. **Belangstellenden: 25**



- Begin juni weren d'r tiedens de Stellingwarver weke in et taelepaveljoen MeM in de Taeletuun in Liwwadden een flink tal aktiviteiten die deur de SSR orgeniseerd weren. Op de eupeningsmiddag van de weke op 3 juni trad de Scheve Schaatsband op, op 6 juni verzorgden de schrievers Attie Nijboer en Harmen Houtman een literaire middag. OP donderdagmiddag 7 juni hullen Otto de Vent en Henk Bloemhoff een inleiding over et veldnaeme-onderzoek in de Stellingwarven; aovens was d'r een optreden van de hard rock band SOTD uut Else. Ok op de Nationaole Streektaedag die dit jaor vanwegens LF 2018 in de Taeletuun in Liwwaden was, wodde veur Stellingwarver bi'jdregen zorgd. De ofsluting van de Stellingwarver weke was op 10 juni, mit een optreden van Carolien Hunnemasn, die hier speciaol veur overkommen was uut Finlaand. Tiedens de weke was d'r een infermaosiehoeke te bekieken in et taelepaviljoen. **Belangstellenden mit mekeer: 2000**
- Op 9 juni ston et gebou van de Schrieversronte in et teken van et bridgeweekaende bi'j Hotel Lunia. Dielnemers an et weekaende kwammen zo ok in de kunde mit et wark van de Stellingwarver Schrieversronte. **Belangstellenden: 100**
- Veur de elfde keer orgeniseerde de Stellingwarver Schrieversronte de Tomke-veurleesweke in zowat alle uk-speulplakken en plakken veur kienderopvang in de beide Stellingwarven. Zoe'n vuuftien vri'jwilligers zetten heur in veur disse taelstimulerende aktie, die koördineerd wodt deur de vri'jwilligers Wikje Haan en Akkie Zeilstra. In anraeking mit et Stellingwarfs kommen zo omdebi'j **900 ukken**
- Op vri'jdag 27 juli was d'r in MFC 'De Ni'je stienze' van Ni'jhooltpae een kulturele aovend bi'j gelegenhied van et verschienen van et ni'jste boek van Johan Veenstra. Et eerste exemplaar van 'Vroeger is veurgoed veurbi'j' was veur Sippy Tigchelaar, Peter Riksmas hul een interview mit de schriever en de Grunninger troebadoer Jan Henk de Groot zorgde veur een muzikaol intermezzo. **Belangstellenden: volle zael**

■ Van 28 juli t/m 20 augustus stelde de stichting, krek as veurgaonde jaoren, weer de grote zael van et gebouw beschikber veur de keunstroute Eupen Stal. Dit keer was d'r in de hal in die periode omedaenken veur et ni'je boek van Johan Veenstra. Een tal fotografen maekte foto's n.a.v. de roman. Die foto's wodden tiedens Eupen Stal tentoontsteld. Veenstra zels was in die periode zowat alle daegen in Berkoop. **Bezukers: rond de 6.000**



Et LF2018 Under de toer-projekt 'De Verdwenen Peerden' was een groot sukses

■ Op 3 en 4 augustus wodde de theatertocht 'De Verdwenen Peerden' holen. De Stellingwarver Schrieversronte dee mit veul sukses mit an et projekt 'Under de toer' van LF 2018 (Liwvadden, kulturele heufdstad). An de theatertocht 'De Verdwenen Peerden' deden zoe'n 80 vri'jwilligers mit uut mit naeme de dörpen Ni'jberkoop en Berkoop. **Belangstellenden: 260**

■ Op 3 september gong de 44e sutelaktie uut aende. De sutelaktie wodde eupend deur de veurzitter van de Schrieversronte, Klaas van Weperen. Jaorliks bin zoe'n 80 vri'jwilligers betrokken bi'j de organisaosie van de de sutelaktie om daar een sukses van te maeken. Mit de sutelaktie wo'n jaorliks **roem 16.000 meensken** benoerd en kommen (opni'j) in de kunde mit et Stellingwarfs.

■ Op 8 en 9 september dee de gemiente Oost-Stellingwarf opni'j mit an de Eupen Monementendag. Ok de Stellingwarver Schrieversronte dee die daegen, tegere mit et Dörpsarchief van Berkoop, de deuren los en vertelde de bezukers o.e. over et veldnaeme-onderzuuk van de stichting. **Belangstellenden: omdebi'j 40**

■ Op 27 september hul de Stellingwarver Schrieversronte een gezaemelike literaire aovend mit de Fryske Krite van Oosterwoolde. De aovend wodde organiseerd vanwegens et ofsluten van de sutelaktie en de Friese boekemaond. Et Stellingwarver pat van de aovend wodde verzorgd deur Harmen Houtman. **Bezukers: 45**

■ Van half oktober of is d'r veur de dadde keer een exepisje van Lendeschilderes Annie Ligthart in de grote zael van et gebouw van de SSR. Dit keer gaot et om eer wark, mar een diel van et wark is inspireerd op de omgeving. **Belangstellenden: bezukers SSR**

■ Op 17 november wodde in De Rustende Jaeger in Hooltpae et Stellingwarfs Meziekfestival holen. Mit mekeer acht de lekaole omroep Odrie was opni'j betrokken bi'j de organisaosie en het dielen van et festival laeter uutzunnen. **Belangstellenden: 120**

■ Deur et hiele jaor henne was de Schrieversronte op tal van streekmarken en streekfestivals anwezig mit een info- en/of verkoopkraom, die alle keren bemand wodde deur vri'jwilligers. Tal meensken dat op disse wieze in anraeking komt mit et Stellingwarfs en de Stellingwarver streekkultuur: **roem 4000 personen**

2. De websteden www.stellingwarver-schrieversronte.nl, Facebook en Twitter

Stellingwarver-schrieversronte.nl

Stellingwarver-schrieversronte.nl is et pertaol van de websteden van de Stellingwarver Schrieversronte. Systeembeheerder van alle websteden is Albertjan Leupen, webmaster van alle websteden is Ninke van der Veen.

Stellingwarfs.nl

De redaktie van de algemiene webstee Stellingwarfs.nl (www.stellingwarfs.nl) wodt op vri'jwillige basis verzorgd deur Henk Bloemhoff.

Tal unieke bezukers in 2018: 9.165

Stellingplus.nl

In 2017 warkte webmaster Ninke van der Veen vier uren in de maond an et veerder uitbouwen van de verschillende websteden van de stichting. De webstee www.stellingplus.nl is mit naeme bedoeld veur een bried aanbod op et gebied van de Stellingwarver streektael en streekkultuur. Mit naeme de rebriek 'Stellingwarfs in 't wild' is een rebriek daor veul naor keken wodt. De redaktie van StellingPlus wodt verzorgd deur Sietske Bloemhoff. **Tal unieke bezukers in 2018: 6.418**

Stellingia.nl

De webstee www.stellingia.nl is et digitale Kenniscentrum van de Stellingwarver Schrieversronte. In et verslagjaar wodden niet alliend opni'j boeken digitaliseerd en plaetst, mar ok een tal biezondere kollekties en onderwiesmateriaol. **Tal unieke bezukers in 2018: 4.693**

Kienderwebstee.nl

De Kienderwebstee gong in et verslagjaar uut aende, mar is nog in ontwikkeling. De webstee is bedoeld veur kiender die ok thuis es even kieken willen naor wat d'r veur heur in de omgeving gebeurt en wat d'r te doen is. **Tal unieke bezukers in 2018: 682**

Stellingwarfs-heemkunde.nl

Halverwege 2017 wodde et beheer van disse speciaole webstee veur et Stellingwarver basisonderwies onderbrocht bi'j de Stellingwarver Schrieversronte. **Tal unieke bezukers in 2018: 2208**

Deveerkieker.nl

De webstee die infermasie gef't t.b.v. et onderwiesprojekt De Veerkieker gong in et verslagjaar uut aende. **Tal unieke bezukers: 1.851**

Facebook

Sund begin 2015 het de Stellingwarver Schrieversronte ok een eigen Facebookbladziede. Twie keer in de weke wo'n daor sund die tied de laeste berichten op plaetst deur Sietske. Et bliekt dat de hieltied meer meensken mit Facebook berikt wodden. Soms gaot et om over de 3.000 personen die op disse wieze mit et Stellingwarfs en de aktiviteiten van de Stellingwarver Schrieversronte in anraeking kommen.

Twitter

De Stellingwarver Schrieversronte maekt ok gebruik van Twitter; mit naeme om belangrieke berichten die op kotte termien bekend wezen moeten deur te geven.

C 3. ONTWIKKELINGSUREN NI'JE DOELGROEPEN

In 2018 wodde weer mit tal van verschillende ere instellings saemenwarkt.

1. Alles rondom taal

Tegere mit Klaasje Herder (biebeltheken Oost-Stellingwarf) en Femke Adams (boekhandel Bruna) vormt Sietske Bloemhoff de literaire warkgroep *Alles rondom taal*. Die warkgroep, die onderdiel is van Stichting Kunstwerf, organiseerde in de kienderboekeweke van 2018 warkwinkels striptekenen mit as thema 'Reuzen'.

2. Saemenwarking mit Afûk

Tomke

Ok in 2018 kon deur een goeie saemenwarking over en weer et boekien veur ukken *Tomke* verschienen. De Stellingwarver Schrieversronte verspreidet et boekien ommenocht onder alle (zoe'n 900) ukken van Stellingwarf. Veur de vertaeling zorgde opni'j Sjoukje Oosterloo.

Stellingwarver weke in taelepaveljoen 'MeM'

Vanwegens LF 2018 organiseerde de Afûk van april tot oktober, tegere mit laandelike streektaelorganisaosies, speciaole weken veur kleine taelen in et taelepaveljoen 'MeM' in de Taeletuun in Liwwadden. De eerste weke van juni was d'r veul ommedaenken veur et Stellingwarfs.

Gezaemelik onderwiesprojekt in kader LF 2018

LF 2018 was anleiding veur de Afûk om veur een gezaemelik onderwiesanbod veur alle basisschoelen in de perveensie te zorgen. De SSR zorgde veur de vertaeling van et lesmateriaol in et Stellingwarfs en was kontaktpersoon veur de Stellingwarver schoelen. Et lesmateriaol verscheen ok in et Bildts.

3. Saemenwarking mit Tresoar

Deur alle drokte rondom LF 2018 wodde besleuten om dit jaor gien extra gezaemelike aktiviteiten te organiseren. In 2019 zal de draod weer oppakt wodden, en de meugelikheden veur een gezaemelike warkwinkel angaonde de schrievri'je te organiseren.

4. Saemenwarking mit Fryske Akademy

Tiedens een overleg in 2012 angaonde meer saemenwarking, wodde doe konstateerd dat op et gebied van et wetenschappelik onderzuuk d'r zeker meugelikheden weren. Et risseltaot is dat in de twiede helte van 2013 dr. Henk Bloemhoff ansteld is bi'j de FA as gaastonderzoker lexikografie en veldnaemekunde. Ok in 2018 warkte Bloemhoff veerder an o.m. de digitalisering van et Stellingwarfs Woordeboek.

5. Saemenwarking mit ere Nedersaksische taelinstituten en SONT

Mit de ere Nedersaksische streektaelinstellings van Noordoost-Nederlaand en Stichting SONT was d'r dit jaor ok now weer mit een zekere riegelmaot kontakt. Dat kontakt was d'r mit naeme angaonde de staand van zaeken rond de veerdere erkenning van et Nedersaksisch.

6. Saemenwarking mit EBLT

Mit et Europees buro veur kleine taelen (EBLT) is d'r mit riegelmaot kontakt. Behalven dat EBLT et wark van de SSR ondersteunt, en daor waor et neudig is van goeie raod veurzicht, is d'r now en dan ok saemenwarking. An et aende vcan 2018 wodde besleuten om de eerste Stellingwarver speulfilm te prissenteren op de Dag van de Memmetael op 21 feberwaori.

7. Saemenwarking mit Historische Verienings

Saemenwarking was d'r in 2018 mit de H.V. Appelsche e.o. en H.V. Oosterwoolde e.o.; zo wodde i.s.m. de H.V. Appelsche e.o. en Stichting De Kortsluiting een literaire middag organiseerd. Veur de H.V. Oosterwoolde e.o.verzorgde Sietske Bloemhoff een exkursie langs de klokkestoelen in Oost-Stellingwarf.

D 1. BESTUURS- EN ORGANISAOSIE-ONDERSTEUNING

Veur de bestuurs- en organisaosie-ondersteuning zorgt de direkteur van de stichting. Dat betekent in de praktijk dat et bestuur goed op de hoogte hopen wodt mit de lopende aktiviteiten en de ni'je plannen. Zo is d'r maandeliks een ofstemmingsoverleg mit de veurzitter en ponghoolder, d'r wodt zorgdreugen veur et veurbereiden van de bestuursvergeederings en de jaervergeederings, en d'r wodt zorgd veur et leggen van de neudige kontakten mit de overheden en ere subsidiegevers.

De direkteur geft uteraord ok de daegelikse leiding an et ere passeniël van de stichting, ien keer in de maand is d'r een warkoverleg. Daornaost wodt veur de neudige koördinaosie zorgd van alle vri'jwilligersaktiviteiten.

Om de almar groter woddende organisaosie goed dri'jen te laoten, wodden daor in et verslagjaar meer as 16 uren in de weke an besteded.

D 2. VRI'JWILLIGERSAKTIVITEITEN

1. Kenniscentrum

Dit verslagjaar beston et tal 'vaaste' vrijwilligers veur et Kenniscentrum opni'j uut zeuven meensken. Mit vaaste vri'jwilliger wodt bedoeld dat meensken ien of meer dagdielen naor de instelling kommen en heur inzetten veur de Stellingwarver Schrieversronte. De groep zet him mit naeme in veur et herorganiseren van et Kenniscentrum, et digitaliseren daorvan en et plaetsen van et digitaliseerde wark op de webstee Stellingia.nl. Vanof jannewaori 2015 bin de ciefers angaonde de unieke bezukers van de ni'je webstee bi'jholen. **Beriek: 1.670 personen**

2. Sutelaktie 2018

De sutelaktie van 2017 brocht een bedrag op van krapan € 11.000,- Daormit zit de verkoop van boeken, kelanders en cd's tiedens de sutelaktie weer in de lift. Ok al valen d'r now en dan mit naeme ooldere vri'jwilligers of; opvalend is et ni'je tal sutelders in 2017. Per kroje wodt liekewel nog de hieltied veur etzelde bedrag an boeken, cd's en kelanders verkocht. **Beriek: roem 16.000 personen**

3. Boeekraante 'Twie pond 'n stuver

De warkgroep Publiciteit zorgde weer veur genoeg adverteerders om de jaarlikse boeekraante in een oplaoge van 22.500 stoks verschienen te laoten. De huus-an-huuskraante in Oost- en West-Stellingwarf verscheen veur de 36e keer en beston uut zestien bladzieden. Et redaktiewark wodde, krek as veurgaonde jaoren, uutbesteded. In de kraante is d'r alle keren veul ommedaenken veur de ni'jste uutgiften, mar d'r bin ok altied interviews mit o.e. schrievers in opneumen. **Beriek: roem 50.000 personen**

4. Stellingwarver Spreukekelender

In meie verscheen bi'j uitgeveri'je Van de Berg in Almere de Stellingwarver Spreukekelender veur et jaor 2019. Omdat de redaktiekosten deur die uitgeveri'je dreugen wodden, bestedet de Schrieversronte gien uren an dit taelbevodderende projekt. De kelender wodde saemensteld deur Sietske Bloemhoff, die van een flink tal vaaste mitwarkers ofwisselende kopie kreeg. Die mitwarkers in 2017 weren Roely Bakker, Harmen Houtman, Kees Koopstra, Attie Nijboer, Sjoukje Oosterloo en Freddie de Vries. **Beriek: 2.000 personen**

5. De ledestaand

De ledestaand per 31 december 2018 is 785.

ET JAOR- EN PRODUKTVERSLAG 2018 VAN DE STICHTING ET BOEKEFOONS

Stichting Et Boekefoons,
Willinge Prinsstraote 10,
8421 PE Berkoop/Oldeberkoop

Saemenstelling bestuur in december 2018

| | |
|---------------------|--|
| Veurzitter: | Klaas van Weperen, Oosterwoolde |
| Siktaoris: | Hendrik Fokkema, Sunnege |
| Ponghoolder: | Henk de Vries (interim), Else |
| Leden: | Geertje Otten, Dwingel; Jan Russchen, Oosterwoolde; Hans Salverda, Zorgvlied; Olphert Smit, Appelsche; Akkie Zeilstra, Raevenswoold |
| Direktie | De direktie is ienheufdig en de funktie van de direktie wodt uutvoerd deur Siets- ke Bloemhoff, Ni'jberkoop |

Statutaire naeme, vestigingsplak, doel

De Stichting Et Boekefoons wodde opricht op 1 oktober 1986 en kent as vestigingsplak Oosterwoolde, gemeente Oost-Stellingwarf. Doel is neffens artikel 2 van de Stichting: *1. De stichting stelt zich ten doel het Stellingwerfs als levende streektaal te handhaven en te bevorderen. 2. Zij tracht dit te bereiken door: a. het zelf uitgeven of doen uitgeven dan wel het bevorderen van het verschijnen van publicaties in het Stellingwerfs; b. het bevorderen van het gebruik van het Stellingwerfs als schrijftaal in het Stellingwarver taalgebied.*

In et jaorverslag 2004 is uutlegd waaromme as de stichting destieds opricht is. De Stichting is verantwoordelik veur de uitgifte van boeken in et Stellingwarfs en van boeken over Stellingwarf, et Stellingwarfs en alle regionale kultuuruterings. De Stichting kan ok de saemenwarking zuken mit aandere uitgevers om publikaosies gezaemelik uut te geven of om publikaosies van aandere uitgevers te distribueren of om publikaosies van anderen publicitair te ondersteunen.

In et jaorverslag van de Stichting Stellingwarver Schrieversronte 2018 kan onder de heufdstokken C Publikao-sies (en dan mit naeme 2. Et uitgeven van boeken) en D Vri'jwilligersaktiviteiten (en dan mit naeme sutelaktie, boeekraante en Stellingwarver spreukekelinder) lezen wodden welke aktiviteiten deur de Stichting Et Boekefoons in 2018 t.b.v. de Stichting Stellingwarver Schrieversronte uutvoerd binnen.

Aan het bestuur van
Stichting Stellingwarver Schrieversronte & Et Boekenfoons
Willinge Prinsstraat 10
8421 PE OLDEBERKOOOP

Drachten, 28 maart 2019

Geachte bestuursleden,

Hierbij brengen wij verslag uit over het boekjaar 2018 met betrekking tot uw stichting.

1 OPDRACHT

Ingevolge uw opdracht hebben wij de jaarrekening 2018 van uw stichting, waarin begrepen de geconsolideerde balans met tellingen van € 305.941 en de geconsolideerde staat van baten en lasten sluitende met een negatief resultaat van € 3.975, samengesteld.

2 SAMENSTELLINGSVERKLARING VAN DE ACCOUNTANT

De jaarrekening van Stichting Stellingwarver Schrieversronte & Et Boekenfoons, te Oldeberkoop is door ons samengesteld op basis van de van u gekregen informatie. De jaarrekening bestaat uit de geconsolideerde balans per 31 december 2018 en de geconsolideerde baten en lasten over 2018 met de daarbij horende toelichting. In deze toelichtingen is onder andere een overzicht van de gehanteerde grondslagen voor financiële verslaggeving opgenomen.

Deze samenstellingsopdracht is door ons uitgevoerd volgens Nederlands recht, waaronder de voor accountants geldende Standaard 4410, "Samenstellingsopdrachten". Op grond van deze standaard wordt van ons verwacht dat wij u ondersteunen bij het opstellen en presenteren van de jaarrekening in overeenstemming met de grondslagen in het rapport. Wij hebben daarbij onze deskundigheid op het gebied van administratieve verwerking en financiële verslaggeving toegepast.

Bij een samenstellingsopdracht bent u er verantwoordelijk voor dat de informatie klopt en dat u ons alle relevante informatie aanlevert. Wij hebben onze werkzaamheden, in overeenstemming met de daarvoor geldende regelgeving, dan ook uitgevoerd vanuit de veronderstelling dat u aan deze verantwoordelijkheid heeft voldaan. Als slotstuk van onze werkzaamheden hebben wij door het lezen van de jaarrekening globaal nagegaan dat het beeld van de jaarrekening overeenkwam met onze kennis van Stichting Stellingwarver Schrieversronte & Et Boekenfoons. Wij hebben geen controle- of beoordelingswerkzaamheden uitgevoerd die ons in staat stellen om een oordeel te geven of een conclusie te trekken met betrekking tot de getrouwheid van de jaarrekening.

Bij het uitvoeren van deze opdracht hebben wij ons gehouden aan de voor ons geldende relevante ethische voorschriften in de Verordening Gedrags- en Beroepsregels Accountants (VGBA). U en andere gebruikers van deze jaarrekening mogen dan ook ervan uitgaan dat wij de opdracht professioneel, vakbekwaam en zorgvuldig, integer en objectief hebben uitgevoerd en dat wij vertrouwelijk omgaan met de door u verstrekte gegevens.

Voor een nadere toelichting op aard en reikwijdte van een samenstellingsopdracht en de VGBA verwijzen wij u naar www.nba.nl/uitleg-samenstellingsverklaring.

BELAANS STELLINGWARVER SCHRIEVERSRONTE inclusief BOEKEFOONS

| Omschrijving | 31-12-2018 | 31-12-2017 | Omschrijving | 31-12-2018 | 31-12-2017 |
|------------------------------------|------------------|------------------|-----------------------------|------------|------------|
| Aktiva | | | PASSIVA | | |
| VAASTE AKTIVA | | | Eigen vermogen | | |
| Materiele vaste activa | | | Algemene reserve | € 270.133 | € 274.109 |
| Bedrijfsgebouwen en terreinen | € 193.601 | € 193.601 | | | |
| Inventaris | € 249 | € 548 | Veurzienings | | |
| | <u>€ 193.850</u> | <u>€ 194.149</u> | Groot onderhoud veurziening | € 20.225 | € 20.225 |
| | | | Overige veurzienings | € 176 | € 176 |
| VLOTTENDE AKTIVA | | | Kortlopende schulden | | |
| Veurraoden | € 30.207 | € 28.819 | Belastingen en soc. Premies | € 2.605 | € 5.118 |
| Vorderings | | | Overlopende passiva | € 12.802 | € 32.863 |
| Haandelsdebiteuren | € 903 | € 1.509 | | | |
| Belastingen en premies soc. Verzek | € 643 | € 1.807 | | | |
| Overlopende aktiva | € 24.044 | € 1.528 | | | |
| Liquide middels | <u>€ 56.294</u> | <u>€ 104.679</u> | | | |
| | € 305.941 | € 332.491 | | € 305.941 | € 332.491 |

KONSOLIDEERDE STAOT VAN BAOTEN EN LASTEN

| Omschrijving | 2018 Begroting | 2018 Warkelik |
|-------------------------------|-------------------|------------------|
| BAOTEN | | |
| Stell. Schrieversronte | | |
| Subsidies | 129193 | 130759 |
| Hiemkunde | 19096 | 19096 |
| Kontribusies De Ovend | 19200 | 15410 |
| Vrientien veur'n tientien | 250 | 130 |
| Verhuur archiefruimte | 800 | 850 |
| Bi'jdrege Et Boekefoons | 5000 | 2531 |
| Vergoeding kursusgeld | 1700 | 540 |
| Diversen | 15000 | 1705 |
| Opbrengsten projecten | | |
| De Veerkieker | | -16753 |
| De Verdwenen peerden | | 5824 |
| Film | | -684 |
| Totaal Baoten | 190239 | 159408 |
| LASTEN | | |
| Stell. Schrieversronte | | |
| Passenielskosten | 136499 | 102245 |
| Overige passenielskosten | 13082 | 16807 |
| Huusvestingskosten | 10506 | 10072 |
| Inventaoriskosten | 3200 | 299 |
| Uutvoeringskosten | 4300 | 522 |
| Algemeine kosten | 11900 | 19621 |
| Lede-aktiviteiten | 10300 | 11952 |
| Rente en bankkosten | 452 | 1865 |
| TOTAAL KOSTEN | 190239 | 163383 |
| Risseltaot | | -3975 |